

Disgrifiad Swydd

Rheolwr Cynorthwyol Projectau Cyfalaf Ysgubor Fawr, Sain Ffagan

Cefndir

Wedi'i sefydlu gan Siarter Brenhinol ym 1907, Amgueddfa Cymru yw sefydliad diwylliannol pwysicaf Cymru, ac un o'r amgueddfeydd mwyaf yn y Deyrnas Unedig. Mae'r Amgueddfa yn geidwad ar gasgliad amrywiol sydd ag arwyddocâd rhyngwladol, ac mae'n arwain ym maes cyfranogiad diwylliannol ac addysgol.

Mae Amgueddfa Cymru yn gofalu am saith amgueddfa genedlaethol Cymru: Amgueddfa Genedlaethol Caerdydd; Sain Ffagan: Amgueddfa Werin Cymru; Big Pit Amgueddfa Lofaol Cymru, Blaenafon; Amgueddfa Wlân Cymru, Dre-fach Felindre; Amgueddfa Lleng Rufeinig Cymru, Caerllion; Amgueddfa Lechi Cymru, Llanberis; ac Amgueddfa Genedlaethol y Glannau, Abertawe. Mae gan Amgueddfa Cymru hefyd Ganolfan Gasgliadau Genedlaethol yn Nantgarw, ger Caerdydd.

Cyfanswm Cymorth Grant Llywodraeth Cymru i Amgueddfa Cymru yn 2017-18 oedd £21 miliwn. Mae'r Amgueddfa'n cyflogi dros 600 o staff, ac yn denu tua 1.8 miliwn o ymwelwyr bob blwyddyn, cynnydd o 70% ers cyflwyno mynediad am ddim. Rydym yn derbyn tua 2 filiwn o ymweliadau â'n gwefan bob blwyddyn.

Mae dros 5 miliwn o eitemau unigol yn ein casgliadau, sy'n cynnwys celf a dylunio, hanes ac archaeoleg a'r gwyddorau naturiol.

Mae is-gwmni masnachol sy'n llwyr eiddo i Amgueddfa Cymru – Mentrau Amgueddfeydd ac Oriolau Cenedlaethol Cymru Cyfyngedig (AOCC) – sydd â chyfarwyddwyr anweithredol a gyfetholwyd gydag arbenigedd perthnasol. Prif weithgareddau Mentrau AOCC Cyf yw gwerthiant yn siopau Amgueddfa Cymru, arlwy, parcio ceir, trwyddedu lluniau, llogi corfforaethol, elw trwy werthu neu fenthyg arddangosfeydd, a hawliau ffilmio. Mae'r cwmni'n trosglwyddo'i elw i Amgueddfa Cymru fel Cymorth Rhodd.

Corff a Noddir gan Lywodraeth Cymru yw Amgueddfa Cymru gyda Bwrdd Ymddiriedolwyr yn pennu cyfeiriad strategol y sefydliad ac yn sicrhau y caiff ei hadnoddau eu rheoli yn briodol.

Ein Gweledigaeth


Yn 2015 cytunodd Amgueddfa Cymru ar Weledigaeth newydd, "Ysbrydoli pobl, newid bywydau", i lywio holl weithgareddau yn y dyfodol. Ein pwrpas yw defnyddio ein hamgueddfeydd a'n casgliadau i ysbrydoli pobl i feithrin eu hunaniaeth a'u lles, i ddarganfod, mwynhau a dysgu'n ddwyieithog a deall lle Cymru yn y byd.

Hanfod ein gwaith yw bod diwylliant yn adnodd a gaiff ei greu gan bobl a chymunedau. Rydyn ni'n rhan o'r gymdeithas y daw ein casgliadau a'n hadnoddau ohoni, a chânt eu hadnewyddu yn barhaus drwy ein gwaith gyda'r cyhoedd. Mae ein casgliadau gwyddorau naturiol yn helpu i roi cyd-destun o fioamrywiaeth a geoamrywiaeth Cymru, ac yn amlygu lle Cymru o fewn y byd ehangach. Rydyn ni'n atebol i'n cenedl am ein defnydd o'r adnoddau hyn.

Rydyn ni wedi ymrwymo i bedwar peth er mwyn cyflawni'r Weledigaeth – Ffynnu, Profiad, Dysgu a Chyfranogi. Nod gwaith pob adran ac aelod o staff yw cyflawni'r ymrwymadau hyn.

Yr Uwch Dîm Rheoli

Caiff Amgueddfa Cymru ei harwain gan Uwch Dîm Rheoli (SMT) yn cynnwys Cyfarwyddwr Cyffredinol a phedwar Cyfarwyddwr Cyfadran. Mae Gweithgor Cyfunol (JEG), sydd yn cynnwys rheolwyr adrannau yn ogystal â'r Uwch Dîm Rheoli, yn cymeradwyo polisïau ac yn adolygu projectau a mentrau pwysig.



Teitl Swydd:

Rheolwr Cynorthwyol Projectau Cyfalaf

Yn atebol i:

Rheolwr Projectau Cyfalaf

Prif ddiben y swydd:

Darparu gwasanaethau rheoli projectau proffesiynol er mwyn i brojectau cyfalaf gael eu cyflawni o fewn cyllideb ac amserlen benodol, a rheoli'r gweithrediad cynnal a chadw ac ystadau yn ddiogel ar draws portffolio eiddo'r Amgueddfa.

Prif Dasgau a Chyfrifoldebau:**Penodol i'r Swydd**

1. Cynorthwyo â gwaith rheoli projectau cyfalaf a dirprwyo dros y Rheolwr Projectau Cyfalaf a/neu'r Pennaeth Adeiladau ac Ystadau yn ei absenoldeb.
2. Cynorthwyo â gwaith rheoli'r gyllideb cynnal a chadw cyfalaf blynyddol ar gyfer Projectau Cyfalaf a monitro projectau cyfalaf dirprwyedig gan sicrhau y caiff projectau eu cyflawni o fewn y gyllideb a'r amserlen wario.
3. Cynorthwyo â gwaith cynnal a chadw'r gronfa ddata penodi Contractwyr ac Ymgynghorwyr.
4. Rheoli caffael a phenodi darparwyr gwasanaethau proffesiynol perthnasol, gan gydymffurfio â gweithdrefn caffael Amgueddfa Cymru. Monitro perfformiad ymgynghorwyr a chontractwyr a benodwyd.
5. Rheoli datblygiad projectau cyfalaf dirprwyedig o'r dechrau i'r diwedd yn ddiogel, gan sicrhau y caiff y briff a gytunwyd arno ei gwblhau o fewn y gyllideb a'r amserlen, gan gynnwys penodi ymgynghorwyr a chontractwyr yn ôl yr angen.
6. Cynorthwyo â gwaith rheoli gweithrediad ystadau'r Amgueddfa gan gynnwys prisio, rhyddhad ardrethi ac apeliadau, a chaffael a rheoli gwasanaethau proffesiynol ategol perthnasol.
7. Sicrhau cydymffurfiaeth â rheoliadau lechyd a Diogelwch a Rheoliadau Adeiladau (Dylunio a Rheoli) ar gyfer pob project cyfalaf.
8. Cynorthwyo â gwaith datblygu a chynnal a chadw gweithdrefnau a phrotocolau cynllunio argyfwng a pharhad busnes corfforaethol/adrannol.
9. Sicrhau bod projectau cyfalaf a chynnal a chadw yn gynaliadwy yn amgylcheddol.
10. Dyletswyddau rhesymol eraill yn unol â'r radd.

Corfforaethol

1. Ymroi yn llawn i gefnogi egwyddorion cyfle cyfartal fel yr amlinellir ym Mholisi Cydraddoldeb ac Amrywiaeth y sefydliad a'u gweithredu.
2. Helpu'r adran i gydymffurfio â pholisïau'r Amgueddfa ar Gynaliadwyedd a'r laith Gymraeg.
3. Cymryd gofal rhesymol o'ch iechyd a'ch diogelwch eich hun ac eraill y gallai eich gweithredoedd, neu eich diffyg gweithredu, effeithio arnynt, a chydymffurfio â'r holl ddeddfwriaeth iechyd a diogelwch fel sy'n briodol.
4. Fel rhan o'ch telerau cyflogaeth, efallai y gofynnir i chi wneud dyletswyddau eraill a/neu weithio oriau eraill fel sy'n rhesymol, yn unol â'ch gradd neu'ch lefel cyfrifoldeb cyffredinol o fewn y sefydliad.

Canlyniadau

1. Caiff projectau cynnal a chadw hanfodol Amgueddfa Cymru eu cyflawni a'u rheoli yn gost effeithiol. Rheoli cyllidebau project, cwblhau rhaglenni gwaith a chyflawni gwariant cyfalaf diwedd y flwyddyn ariannol.
2. Diogelwch a chadwraeth casgliadau Amgueddfa Cymru. Cysylltu â rhanddeiliaid projectau ac ymgorffori darpariaethau i ddiogelu casgliadau yn ystod projectau cynnal a chadw hanfodol. Cynnal amgylchiadau a safonau diogelwch ac amgylcheddol bob amser i ddiogelu, amddiffyn a chaniatáu arddangos casgliadau.
3. Polisiâu a safonau lechyd a Diogelwch. Monitro cydymffurfiaeth â pholisïau a gweithdrefnau lechyd a Diogelwch a chynnal cofnod heb unrhyw ddamweiniau lechyd a Diogelwch sy'n ymwneud â chyflawni projectau cynnal a chadw hanfodol ar draws ystâd Amgueddfa Cymru.

Manyleb y Person

Bydd gofyn i'r ymgeisydd llwyddiannus ddangos ei fod yn meddu ar y nodweddion canlynol (gweler y **Canllawiau Recriwtio** am gyngor ar sut i lenwi'r ffurflen gais):

HANFODOL	DYMUNOL
Gwybodaeth Ofynnol	
Gwybodaeth dda o ddeddfwriaeth adeiladu a contract ynghyd â rheoliadau cynllunio ac adeiladu	Gweithdrefnau cynllunio ar gyfer argyfyngau/parhad busnes.
Yn gyfarwydd â gweithdrefnau ac arferion Caffael ar gyfer gwasanaethau adeiladu a phroffesiynol perthnasol.	Gwybodaeth am Adeiladu yng nghyd-destun adeiladau hanesyddol a chyfoes.
	Yn gyfarwydd ag amryw ffurfiau o benodi gwasanaethau proffesiynol ym maes adeiladu
Profiad Gofynnol	
Profiad o dendro a phenodi ymgynghorwyr a gwasanaethau cefnogi. Profiad o weinyddu contractau adeiladu JCT/NEC.	Ymgymryd â gweithgareddau Rheoli Ystâd, gyda gwybodaeth o ddeddfwriaeth berthnasol a phrofiad o ddatblygu cynlluniau cynnal a chadw strategol.
Profiad o weithio mewn rôl broffesiynol berthnasol yn y diwydiant adeiladu neu wasanaeth perthnasol arall.	Yn gyfarwydd â phrotocolau a deddfwriaeth Caffael y Sector Cyhoeddus.
Profiad o reoli neu arwain projectau adeiladu a rheoli cyllidebau, gwariant ac amrywiadau project.	Profiad o weithio ar adeiladau hanesyddol a/neu brojectau adnewyddu.
Cymwysterau Academaidd / Safon Addysg	
Gradd mewn maes perthnasol e.e. Rheoli Adeiladau neu Adeiladu neu brofiad cyfwerth arall.	Cymhwyster proffesiynol mewn maes perthnasol i Adeiladu e.e. Sefydliad Brenhinol y Syrfewyr Siartredig (RICS) neu Aelod o'r Sefydliad Adeiladu Siartredig (MCIOB) Cymhwyster Prince II
Tystiolaeth o ddatblygiad proffesiynol parhaus ym maes adeiladu e.e. NEBOSH	

Sgiliau Gofynnol

Lefel uchel o allu cyfrifiadurol a gwybodaeth o becynnau MS Office gan gynnwys MS Project neu debyg. Gallu defnyddio'r rhyngrwyd, e-bost a'r cyfryngau cymdeithasol yn hyderus.	Defnydd o Auto CAD
	Y gallu i gyfathrebu drwy gyfrwng y Gymraeg neu barodrwydd i ddysgu (lle bo'n berthnasol).

Cymwyseddau Penodol i'r Swydd Hon

Bydd gofyn i'r ymgeisydd llwyddiannus ddangos ei fod yn meddu ar y nodweddion canlynol (gweler y "**Canllawiau Recriwtio**" am gyngor ar sut i lenwi'r ffurflen gais):

Cymwyseddau Craidd	Esiampl Ymddygiad
Gweithio'n Bositif gydag Eraill	<p>Yn rhagweithiol wrth ymwneud ag eraill y tu hwnt i'w dîm a galw ar arbenigedd perthnasol er mwyn cyflawni amcanion Amgueddfa Cymru.</p> <p>Hyrwyddo arbenigedd a phrofiad aelodau'r tîm.</p>
Croesawu Dysgu, Newid a Chreadigrwydd	<p>Hyrwyddo a chefnogi meddylfryd creadigol a rhoi cydnabyddiaeth gadarnhaol i syniadau ar gyfer gwelliant.</p> <p>Awydd i arbrofi ag arferion gwreiddiol wrth ddatblygu syniadau a gweithgareddau.</p>
Ymroddiad i Ganolbwyntio ar Gwsmeriaid	<p>Dangos ymroddiad gwirioneddol ac ymarferol er mwyn sicrhau canlyniadau rhagorol i gwsmeriaid.</p> <p>Dangos ymroddiad gwirioneddol i weithio gyda chwsmeriaid a'u gwasanaethu.</p>
Cyrraedd Canlyniadau Effeithiol	<p>Defnyddio offer a methodoleg cynllunio er mwyn darparu strwythur ac eglurdeb yn ogystal â sicrhau llwybr clir tuag at lwyddiant.</p> <p>Dangos synnwyr blaenoriaethu da, strwythuro llwyth gwaith yn effeithiol a sicrhau canlyniadau da yn rheolaidd.</p>
Ymrwymiad i Amrywiaeth a Chyfrifoldebau Cymdeithasol	<p>Datblygu ymwybyddiaeth gynyddol o fanteision amrywiaeth ymysg ymwelwyr a chydweithwyr.</p> <p>Gweithredu ar sail egwyddorion cynaliadwyedd amgylcheddol wrth gynllunio projectau a rhaglenni gwaith, gan reoli pobl yn unol â hynny.</p> <p>Hyrwyddo lechyd a Diogelwch ym mhob agwedd o waith Amgueddfa Cymru.</p>

Amodau a Thelerau Gwasanaeth

Cyflog cychwynnol	Gradd F - £31,068 - £38,186 y flwyddyn. Bydd yr ymgeisydd yn cael ei benodi i'r pwynt cyflog isaf yn y radd hon fel arfer.
Hyd y contract	Contract: 1 flwyddyn
Oriau'r contract	35 awr yr wythnos
Cyfnod Prawf	Mae cyfnod prawf o 3 mis yn berthnasol i'r swydd hon.
Mae pob penodiad newydd yn dibynnu ar dderbyn geirda, adroddiad meddygol ac archwiliad boddhaol o euogfarnau troseddol a phrawf o'ch hawl i weithio yn y DU.	

Buddion gweithio i Amgueddfa Cymru

Gwyliau Blynyddol	<p>27 diwrnod adeg penodi, yn codi i 32 diwrnod ar ôl 5 mlynedd o wasanaeth, ynghyd ag un diwrnod braint adeg y Nadolig ac 8 gŵyl banc (ar gyfer staff amser llawn). Defnyddir sail pro rata i gyfrifo gwyliau staff rhan amser.</p>
Oriau Hyblyg	<p>Rydym yn gweithredu system oriau gwaith hyblyg er mwyn galluogi staff i daro cydbwysedd rhwng eu bywyd cartref a gwaith ac er mwyn helpu i reoli eu hamser mewn ffordd sydd mor effeithiol â phosibl. Mae'r cynllun yn agored i bawb heblaw staff sy'n gweithio ar sail rota. Caiff staff newydd wybod a fyddan nhw'n cymryd rhan yn y cynllun ai peidio adeg eu penodi.</p>
Pensiwn	<p>Rydym yn cynnig cynllun pensiwn Enillion Cyfartalog Gyrfa wedi'u Hailbriso ("Cynllun Pensiwn Amgueddfa Cymru"). Os ydych yn cael eich cyflogi gan yr Amgueddfa ar gytundeb parhaol neu dymor penodol o 2 flynedd neu fwy, byddwch yn ymuno â'r Cynllun yn awtomatig fel rhan o'ch cytundeb cyflogaeth.</p> <p>Mae'n ddyletswydd statudol ar yr Amgueddfa, dan ddeddfwriaeth cofrestru awtomatig, i gynnwys staff cymwys yn y cynllun cofrestru awtomatig. Mae'r Cynllun yn un cymhwysol at ddibenion cofrestru awtomatig, felly gellir ei ddefnyddio i gydymffurfio â deddfwriaeth cofrestru awtomatig. Os ydych yn aelod cymwys o staff byddwch yn cael eich cofrestru'n awtomatig i'r Cynllun yn dilyn cyfnod gohirio cychwynnol o 3 mis (er y gellir gwneud cais i ymuno yn gynharach).</p> <p>Os nad ydych yn gymwys i ymuno â'r Cynllun, gallwch wneud cais i ymuno.</p> <p>Mae'r cyfraniad a dalwch yn dibynnu ar eich gradd a swm eich enillion pensiynadwy. Ar hyn o bryd mae staff Gradd A yn talu 6%, staff Graddau B a C yn talu 8%, a staff Graddau D ac uwch yn talu 9%.</p>
Cyfnewid Cyflog	<p>Rydym yn cynnig trefniant Cyfnewid Cyflog ar gyfer aelodau'r Cynllun Pensiwn. Mae'n drefniant gwirfoddol, ac nid yw'n addas ar gyfer pob aelod o staff.</p>
Hyfforddi a Datblygu	<p>Mae'r Amgueddfa wedi ymrwymo i ddarparu cyfleoedd datblygu a hyfforddi rhagorol ar gyfer pob gweithiwr cyflogedig.</p>
Hyfforddiant Sefydlu	<p>Rydym yn darparu sesiwn Hyfforddiant Cychwynnol gynhwysfawr ar gyfer pob aelod newydd o staff ar ôl eu penodi.</p>
Taleb Gofal Plant	<p>Mae cynllun talebau gofal plant ar gael sy'n golygu y gallwch dderbyn rhan o'ch cyflog fel talebau gofal plant nad oes rhaid talu treth na chyfraniadau Yswiriant Cenedlaethol ar eu cyfer (gwerth hyd at £55 yr wythnos). Gellir defnyddio'r talebau i dalu'ch darparwr gofal plant.</p>

Arferion Gweithio sydd o Gymorth i Deuluoedd	Rydym yn cynnig amrywiaeth o arferion gweithio sydd o gymorth i deuluoedd megis absenoldeb mamolaeth/tadolaeth, absenoldeb mabwysiadu, seibiant gyrfa, absenoldeb estynedig ac amrywio oriau gwaith.
Cynllun Benthyciad Teithio	Gall staff wneud cais am fenthyciad di-log i brynu tocyn bws blynyddol neu chwarterol neu docyn trên tymhorol hyd at £1,500 neu feic hyd at £300.
Cynllun Iechyd a Ffitrwydd	Rydym wedi sefydlu cynllun aelodaeth o glybiau ffitrwydd i staff am bris gostyngol arbennig sy'n arbed 25% ar gost aelodaeth safonol.
Cyfarpar Sgrin Arddangos	Bydd yr Amgueddfa yn trefnu (ar gyfer staff sydd fel arfer yn defnyddio offer sgrin arddangos (OSA) am gyfnodau parhaus neu bron yn barhaus am awr neu fwy ar y tro bob dydd) i gael cyfradd ostyngol ar sbectol yn Specsavers.
Cynlluniau Buddion:	<p>Beneden Healthcare Society: Darparwyr gofal iechyd o'r radd flaenaf heb orfod talu yswiriant meddygol drud. Mae rhagor o wybodaeth ar Fewnrwyd yr Amgueddfa neu ewch i www.beneden.org.uk</p> <p>Cymdeithas Gwasanaethau Iechyd ac Ysbytai Cymru (WHA): Gall WHA eich helpu gyda chostau gofal iechyd bob dydd megis costau deintyddol, optegol a ffisiotherapi. Mae rhagor o fanylion ar y wefan www.whahealthcare.co.uk</p> <p>Cynllun Undeb Credyd: Rydym yn cynnig ffordd hawdd i weithwyr ymuno ag Undeb Credyd Caerdydd. Aelodau'r cynllun yw perchnogion a rheolwyr Undeb Credyd Caerdydd, sefydliad cynilo a benthyg a gaiff ei reoli er lles ei aelodau. Mae'n lle syml a chyfleus i gynilo ac yn caniatáu benthyciadau isel eu cost. Ceir rhagor o fanylion gan yr Adran Adnoddau Dynol.</p>
Cynllun Gostyngiad i Staff	Mae gan bob aelod staff hawl i ostyngiad o 20% yn siopau Amgueddfa Cymru a gostyngiad o 25% yn y caffis.
Undebau Llafur	Mae gan aelodau staff yr hawl i ymaelodi ag undeb llafur cofrestredig a chymryd rhan ar unrhyw adeg briodol yng ngweithgareddau'r corff rydych chi'n rhan ohono, gan gynnwys ymgeisio am swydd a'i chyflawni. Yr undebau a gydnabyddir gan yr Amgueddfa yw Prospect, PCS a FDA.

Sut i wneud cais:

Dylai ymgeiswyr am y swydd lenwi'r ffurflen gais sydd ar gael ar dudalen Swyddi ein gwefan sef www.amgueddfacymru.ac.uk. Mae'r ffurflen yn rhoi cyfle i chi egluro sut mae eich cymwysterau, eich profiad a'ch rhinweddau personol yn eich gwneud yn ymgeisydd addas ar gyfer y swydd.

Dylech ddychwelyd eich ffurflen i'r cyfeiriad e-bost hwn:
ad.swyddi@amgueddfacymru.ac.uk

neu ei phostio i'r:

Adran Adnoddau Dynol
Amgueddfa Cymru
Parc Cathays
Caerdydd
CF10 3NP
Ffôn: (029) 2057 3306

Ffacs: (029) 2057 3370

Rhaid i bob cais am swydd ein cyrraedd erbyn 5pm ar y dyddiad cau. Ni fyddwn yn derbyn ceisiadau ar ôl hynny.

Bydd angen i chi gyflwyno'r ffurflenni Archwilio Cefndir a Monitro cyn i ni brosesu eich cais.

Defnyddiwch y darn o'r ffurflen gais dan y pennawd "Y swydd yr ymgeisir amdani" i nodi'n glir ai swydd lawn neu ran amser sydd gennych mewn golwg (neu'r ddwy).

Peidiwch ag anfon CV, dim ond ffurflenni cais gaiff eu hystyried.

Yn anffodus, oherwydd y nifer o geisiadau a ddisgwylir ar gyfer y swydd hon, ni fydd yn bosibl i ni ysgrifennu'n bersonol at bob ymgeisydd aflwyddiannus. Fodd bynnag, bydd cyfweiliadau yn cael eu cynnal fel arfer o fewn tair wythnos i'r dyddiad cau.

Sylwer y bydd cost dychwelyd ffurflen gais ac unrhyw atodiadau i'r Adran Adnoddau Dynol yn uwch na chost un stamp dosbarth cyntaf.

Mae Amgueddfa Cymru yn gyflogwyr cyfle cyfartal. Croesewir ceisiadau o bob rhan o'r gymdeithas.